



Broj: JN05-16-4-14-4/26
Sarajevo, 23.03.2026. godine

Na temelju članka 25., članka 69. stavak (1) točka a) i članka 70. Zakona o javnim nabavama Bosne i Hercegovine („Službeni glasnik BiH“ broj: 39/14, 59/22 i 50/24), ministar pravde Bosne i Hercegovine, d o n o s i

O D L U K U
o dodjeli ugovora u postupku javne nabave

I

Dodjeljuju se ugovor ponuditelju VENTURA TRAVEL AGENCY d.o.o. Donja Čaršija 1a 72270 Travnik u postupku javne nabave pružanja usluga rezervacije i prodaje avionskih karata.

II

Ponuditelj iz tačke I ove odluke dostavio je najnižu cijenu u skladu sa člankom 64. stavak (1) točka b) Zakona o javnim nabavama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je Odlukom broj: JN05-16-4-14/26 od 04.02.2026. godine, pokrenulo otvoreni postupak nabave pružanja usluga rezervacije i prodaje avionskih karata te 10.02.2026. godine izvršilo obavijest o nabavi na portalu javnih nabava Agencije za javne nabave Bosne i Hercegovine www.ejn.gov.ba.

U ostavljenom krajnjem roku za dostavljanje ponuda pristigle su ponude od sljedećih ponuditelja:

1. VENTURA TRAVEL AGENCY d.o.o. Travnik, Donja čaršija 1a, 72270 Travnik
2. CENTROTRANS d.d. Sarajevo, Kurta Schorka broj 14, 71000 Sarajevo
3. GLOBTOUR EVENT d.o.o. Sarajevo, Dr Silve Rizvanbegovića 32, 71 000 Sarajevo
4. V.I.P. TRAVELS d.o.o. Sarajevo, Zelenih beretki bb/Gazi-Husrev begov Bezistan, 71000 Sarajevo;

Nakon analize i procjene dokumentacije priložene uz dostavljene ponude Povjerenstvo za javne nabave (u daljem tekstu: Povjerenstvo) je utvrdilo da ponude ponuditelja VENTURA TRAVEL AGENCY d.o.o. Travnik i CENTROTRANS d.d. Sarajevo ispunjavaju sve formalno-pravne i tehničke uslove navedene u tenderskoj dokumentaciji, te da se stoga smatraju prihvatljivim ponudama.

Ponude ponuđača GLOBTOUR EVENT d.o.o. Sarajevo i V.I.P. TRAVELS d.o.o. Sarajevo ne ispunjavaju formalno-pravne i tehničke uslove navedene u tenderskoj dokumentaciji i kao takve smatraju se neprihvatljivim ponudama.

Ponuda ponuđača GLOBTOUR EVENT d.o.o. Sarajevo nije prihvatljiva jer ponuđač nije dostavio validan dokaz da ima pristup Amadeus programu ili ekvivalentnom programu. Ponuđač je kao dokaz dostavio ugovor koji je istekao 2022. godine.

Ponuda ponuđača V.I.P. TRAVELS d.o.o. Sarajevo nije prihvatljiva jer dostavljena potvrda za pristup Amadeus programu nije original, niti ovjerena kopija, već kopija u boji, što nije u skladu sa tenderskom dokumentacijom, definisanom tačkom 3.3.1.

Povjerenstvo je dalje konstatiralo da je točkom 1.4 tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 80/23).

Člankom 5. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo vrši početnu ocjenu ponuda, što uključuje provjeru računске ispravnosti ponude i objašnjenje neprirodno niske cijene, te u sustav e-Nabave unosi sve prihvatljive ponude definirane člankom 2. stavak (1) točkom 1) alinejom 1) Zakona.

Slijedom navedenog, Povjerenstvo je jednoglasno dalo preporuku ministru pravde BiH da se u postupku po predmetu nabave pružanja usluga rezervacije i prodaje avionskih karata za potrebe Ministarstva pravde BiH zakaže e-aukcija na način predviđen odredbama Pravilnika o uvjetima i načinu korištenja e-aukcije, a da se prije zakazivanja iste u sistem e-Nabave unesu ponude ponuditelja, VENTURA TRAVEL AGENCY d.o.o. i CENTROTRANS d.d. Sarajevo. kao prihvatljive ponude, u skladu sa dolje navedenom rang listom prihvatljivih ponuda.

RANG LISTA PRIHVATLJIVIH PONUDA prije održane e-aukcije

Rang	Naziv ponuditelja	Ukupna cijena ponude (KM) bez PDV	Ponudeni popust (KM)	Ukupna cijena ponude sa popustom (KM) bez PDV
1.	VENTURA TRAVEL AGENCY d.o.o. Donja čaršija 1a, 72270 Travnik	50,00 KM	0,00	50,00 KM
2.	CENTROTRANS d.d. Sarajevo Kurta Schorka broj 14, 71000 Sarajevo	50,00 KM	0,00	50,00 KM

Povjerenstvo je zakazalo e-aukciju za dan 11.03.2026. godine sa početkom u 11:00 sati. Nakon što je e-aukcija završena, a na temelju podataka iz Izvještaja o tijeku i završetku e-aukcije, koji čini sastavni dio zapisnika, Povjerenstvo je pristupilo rangiranju prihvatljivih ponuda:

RANG LISTA PRIHVATLJIVIH PONUDA nakon održane e-aukcije

Rang	Naziv ponuditelja	Konačna cijena ponude (KM) bez PDV-a	Umanjenje cijene
1.	VENTURA TRAVEL AGENCY d.o.o. Donja čaršija 1a, 72270 Travnik	0,01 KM	99,98%**
3.	CENTROTRANS d.d. Sarajevo Kurta Schorka broj 14, 71000 Sarajevo	0,12 KM	99,76%**

** Označava približnu vrijednost procentualnog umanjenja nakon zaokruživanja na dvije decimale.

Člankom 7. stavak (5) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, donosi odluku o izboru ili poništenju postupka javne nabave.

Člankom 69. Zakona o javnim nabavama („Službeni glasnik BiH“ broj: 39/14, 59/22 i 50/24) - (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Točkom 4.8. tenderske dokumentacije propisano je da je kriterij za dodjelu ugovora najniža cijena.

Slijedom gore navedenog, a na temelju ocjena ponuda i rezultata provedene e-aukcije, Povjerenstvo je jednoglasno dalo preporuku ministru pravde BiH da se u predmetu pružanja usluga rezervacije i prodaje avionskih karata za potrebe Ministarstva pravde Bosne i Hercegovine, donese odluka o dodjeli ugovora ponuditelju **VENTURA TRAVEL AGENCY d.o.o. Travnik, Donja čaršija 1a, 72270**, sa konačnom cijenom od 0,01 KM bez PDV-a (slovima: nula i 01/100 KM).

Povjerenstvo je napomenulo da ponuditelj VENTURA TRAVEL AGENCY d.o.o. Travnik, Donja čaršija 1a, 72270 Travnik, u svojoj ponudi, nije dostavio dokaze o ispunjavanju uslova iz članka 45. stavak (1) tč. a) do d) Zakona o javnim nabavama BiH te da je isti obavezan dostaviti naknadno u roku ne dužem od 5 (pet) dana od dana primitka odluke o dodjeli ugovora, na protokol ugovornog tijela, u radnom vremenu ugovornog tijela (od 08-16 sati).

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuditelj koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu Uredu za razmatranje žalbi putem Ministarstva pravde Bosne i Hercegovine na postupak u pisanoj formi, u roku od 10 (deset) dana od dana kada je primio odluku, odnosno obavještenje o rezultatima.



Privitak:

- Zapisnici o ocjeni ponuda

Dostaviti:

- Ponuditeljima u postupku

- a/a.

